



# «MCDONALD'S» ҚАЗАҚСТАНДАҒЫ АЛҒАШҚЫ МЕЙРАМХАНАСЫН АШАДЫ

*8 наурыз күні Астанада әлемге әйгілі желінің республикадағы бірінші мейрамханасы есігін ашады*

**2016 жылдың 26 ақпаны.** Бүгін «McDonald's» корпорациясы Қазақстандағы алғашқы кәсіпорнының ашылуы туралы хабарлады. 8 наурыз күні «McDonald's» бірінші мейрамханасының ашылуы корпорацияның әлемнің 120-шы нарығына шығуының белгісі болғалы отыр. Қазақстандағы «McDonald's» франшизасының иесі кәсіпкер Қайрат Боранбаев болды, ол, сондай-ақ, Беларусьтегі «McDonald's» франчайзи болып отыр.

Астанада ашылатын алғашқы мейрамхана 863 шаршы метр жерде орналасып, қонақтар үшін 206 отыратын орынмен жабдықталады. Мейрамхананы безендіру үшін ең жаңа дизайн-концепциялар, сондай-ақ, қонақтарға қызмет көрсету үшін заманауи жүйелер қолданылған, оның ішінде «McDrive» концепциясы, өзіне-өзі қызмет көрсету киоскілері, туған күндерге арналған балалар бөлмесі және отбасымен белсенді демалуға арналған интерактивті бөлме бар. Қазақстан Республикасындағы алғашқы «McDonald's» мейрамханасының мәзірінде компанияның әлемге әйгілі тағамдары – Биг Мак, Фри картобы және Чикен Макнаггетс бар. Бірінші ашылған мейрамханада қонақтарға ең жоғары сапалы өнім, жылдам және сапалы қызмет, жайлы әрі қолайлы орта және т.б. ұсынылады.

Компанияның екінші мейрамханасы да 2016 жылы ашылады деп жоспарлануда, ал Қазақстанда одан ары даму үшін келесі 5 жыл ішінде 15 мейрамхана ашу жоспарланып отыр.

*«Біз «McDonald's» сауда белгісінің Қазақстанда ашылуын мақтан тұтамыз», – деп қуанышымен бөлісті «McDonald's» Корпорациясының Президенті және Басқарушы директоры Стив Истербрук. – Біз жергілікті мәдениеттің бір бөлігіне айналып, өзіміздің мейрамхана бизнесін жүргізудегі прогрессивті алдыңғы қатарлы тәжірибемізді Қазақстанға беру үшін қолымыздан келгеннің бәрін істейміз. Бұл ашылу біздің сауда белгіміздің халықаралық дамуындағы маңызды қадам».*

*«Қазақстанда сәтті даму үшін барлық жағдай бар, және біздің кәсіпорындарымыздың ашылуы бізге және біздің серіктесімізге «McDonald's» компаниясын республиканың миллиондаған тұрғындары үшін сүйікті тамақтану және демалу орнына айналдыруға мүмкіндік береді, – деп пікірімен бөлісті Ресейдегі «Макдоналдс» Президенті Хамзат Хасбулатов. – Ресейдегі «Макдоналдс» Қазақстанда «McDonald's» кәсіпорындарын ашуға жан-жақты қолдау көрсетеді және біздің*

*серіктесімізбен бизнесті дамытудың барлық салаларындағы тәжірибесімен бөлісуге тырысады».*

Қайрат Боранбаев - Қазақстан Республикасында бизнес-бастамаларды сәтті жүзеге асыру бойынша мол тәжірибесі бар іскер адам. Ол «Алмалы» активтерді басқару компаниясы» қазақстандық холдингінің Басқарма Төрағасы болып табылады.

*«Мен бүкіл әлемдегі ең танымал сауда белгілерінің бірі «McDonald's» брендіне аса құрметпен қараймын, және өз елімде осы брендтің серіктесі болғанымды мақтан тұтам, – деп мәлімдеді Қазақстандағы «McDonald's» франшизасының иесі Қайрат Боранбаев. – «McDonald's» желісінің Қазақстанда дамуы жаңа жұмыс орындарын ашып, біздің жаңа меймандарымыз үшін заманауи және жайлы жағдайда өнімді ұсыну және ең жоғарғы сапалы қызмет көрсетудегі «McDonald's» тәжірибесімен алмасуға мүмкіндік береді. Қазақстанда «McDonald's» желісінің ашылуы жергілікті кадрларды дамытуға зор мүмкіндіктер беріп қана қоймай, қалалық бюджетке тұрақты салықтық аударымдарды да қамтамасыз етеді. Оған қоса, бұл халықаралық инвесторлар үшін өңірдегі қолайлы іскерлік ахуал туралы жақсы белгі болып табылады».*

Республикадағы алғашқы «McDonald's» мейрамханасында қонақтарға 200-ден жуық жұмыскер қызмет көрсетеді. 22 менеджер ресейлік (Нижний Новгород, Казань, Чебоксары, Уфа), белорусстық (Минск, Витебск) «McDonald's» мейрамханаларында оқытылды. Сонымен қатар, желінің кәсіпорындарын ашуда Қазақстандық әріптестеріне Ресейден келген «қолдау көрсету командасы» көмек көрсетеді.

Қазақстандағы «McDonald's» мейрамханаларына өнім мақұлданған жеткізушілерден келіп түседі. «McDonald's» алғашқы кәсіпорындарына жеткізу Екатеринбургтегі, Ресей, тарату орталығынан жүзеге асырылады. Оған қоса, Қазақстандағы «McDonald's» командасы жергілікті жеткізушілер базасын дамыту жұмысын жалғастырып жатыр.

**Редакторларға арналған ақпарат:**

«McDonald's» – қоғамық тамақтану және дылдам қызмет көрсету саласындағы мойындалған әлемдік көшбасшы. Компанияның 36 000 кәсіпорны әлемдегі 120 елде қызмет етеді. «McDonald's» мейрамханаларының 80% астамы франчайзинг жүйесі бойынша жұмыс істейді және жергілікті тәуелсіз компаниялардың басқаруымен жұмыс істейді.